



Centro Nacional Chega!!P

Da Memória à Esperança



KOMUNIKADU IMPRENSA

VMAP Ho Centro Chega!!P Halo Ona Lansamentu Fatuk Dahuluk Ba UMbE Iha Munisípiu Manatuto.

Dili – (14 Jullu 2025), IX Governu Konstitusional liu husi Vise Ministru Asuntu Parlamentar (VMAP) hamutuk ho Centro Nacional Chega!!P halo ona lansamentu fatuk dahuluk ba Uma Memória ba Esperansa (UMbE) ba sobrevivente sira ne'ebé moris ho kondisaun vulneravel liu, ne'ebé realiza iha Suku Kairui, Postu Administrativu Laleia, Munisípiu Manatuto.

Serimonia ofisial ne'e lansa, husi Vise Ministru Asuntu Parlamentar (VMAP), Aderito Hugo da Costa hamutuk ho Prezidente Konsellu Administrasaun Chega!, Manuel Pereira ho autoridade sira iha Munisípiu Manatuto no mos parseiru sira.

UMbE ne'ebé Vise Ministru ho Centro Chega!!P lansa hamutuk 6 ne'ebé Centro Chega!!P sei konstrui no oferese ba sobrevivente sira iha tinan ida ne'e (2025) mak hanesan Sobrevivente, Irenie Bi-bui Fatima de Sousa, iha Suku Kairui, Postu Administrativu Laleia, Munisípiu Manatuto.

Sobrevivente Francisco Vital Ximenes, Suku Buibau, Postu Administrativu Baucau Vila, Munisípiu Baucau, Ana Freitas, Suku Uailili, Postu Administrativu Baucau Vila, Munisípiu Baucau, Ana G. de Lima S. Lemos Almeida, Suku Soro, Postu Administrativu Ainaro, Munisípiu Ainaro, Agata da Silva, Suku Berloic, Postu Administrativu Alas, Munisípiu Manufahi, Alexandrino da Costa, Suku Fatukahi, Postu Administrativu Fatuberliu, Munisípiu Manufahi..

Centro Chega!!P harii ba sobrevivente sira tanba sira moris ho kondisaun vulneravel liu tanba kauza husi konflitu pasadu 1974-1999. Objetivu harii uma ba sobrevivente sira atu dignifika no valoriza sira nia kontribuisaun luta ba ukun rasik-an.

UMbE harii ho medida 9x7 kompostu husi, Kuartu 3, sala I, haris fatin I, varanda I no mos dapur, kompleta ho instalasaun eletrisidade, plafon no keramik, exeptu dapur ho total kustu mais ou menos \$ 14.800 to'o \$ 17.000, depende ba distansia transportansaun material uma nian. Osan sira ne'e inklui ona selu badae. Implementador projektu mak Asosiasaun Vítima Konflitu Politiku 1974-1999 (AVKP) nu'udar mos parseiru Centro Chega!!P nian.

Antes ne'e, Centro Chega!!P harii ona UMbE hamutuk 20 ba sobrevivente sira. Iha tinan 2025, Centro Chega!!P liu husi Divizaun Servisu Reparasaun (DSR) halo tan UMbE 6 ba sobrevivente sira bazea ba rekomendasaun sira husi relatóriu Chega! no PMAS liu-liu ba asuntu reparasaun nian. Divizaun ida ne'ebé responsavel ba programa ida ne'e mak Divizaun Servisu Reparativu (DSR) tanba sira nia servisu mak estabeselese programa solidariedade apoiu ba sobrevivente no grupu vulneravel sira ne'ebé hasoru violasaun direitus umanus iha pasadu.

- Remata -

Ba informasaun liu tan kontaktu:

Raimundo Sarmiento Fraga

Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória passadu nian, moris iha dame, no respeitu ba direitus umanu". Nia misaun mak: "Harri sentru Pós-konflitu ne'ebé prezerva memória pasadu nian hodi promove direitus no valór umanu, harri parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".